

Un tratado riba derecho di mucha na Aruba

E convenio di derecho di mucha lo celebra su di 30 aniversario riba e fecha 20 di November 2019. Desde aña 2001, Aruba ta forma parti di e convenio pa cu derecho di mucha. Pa motibo di e aniversario aki, Universidad di Aruba lo organiza un seminario riba e fecha, tocante e tratado di derecho di mucha.

Den parti 1 nos a elabora riba e motibo pakico e tratado aki ta importante pa Aruba y cua ta e derechonan cu ta wordo protehi.

Den e relato aki lo enfoca riba 2 articulo en particular di e tratado riba derecho di mucha. Na prome lugar lo elabora riba e di 3 articulo di e tratado, cu ta trata "interés di e mucha". Tambe articulo 12 cu ta trata "derecho di e mucha pa participa y wordo scucha".

Interés di e mucha

Den tur e decisionnan relaciona cu nos muchanan, e interés di e mucha mester ta primordial. E obligacion aki ta aplicabel pa tur instituto gubernamental y tur instituto priva, cu ta tuma decisionnan cu ta encera nos muchanan. Cada decision cu wordo tuma, e interés di e mucha mester ta na prome lugar, tur otro interés ta bin despues. Esaki ta pa evita cu decisionnan ta wordo tuma teniendo cuenta solamente cu e adulto, sin tene cuenta kico e mucha mes ta desea den cierto situacionnan.

Den e cuadro ? a no

mester pensa solamente riba decisionnan judicial y registral, pero tambe decisionnan dentro di famia, scolnan y institutonan social. Por ehempel: decisionnan manera cua scol un mucha ta bay, decisionnan tocante asuntonan medico, decisionnan tocante ken tin e autoridad di un mucha y decisionnan tocante mudamento.

Notabel ta cu e tratado aki ta dirigi su mes na tur hende (gubernamental y priva) cu ta trata cu mucha. Pero con bo sa den un situation specifico kico ta e interés di e mucha? Esaki no ta facil pa determina. Especialmente cerca muchanan hopi jong, cu ainda no por comunica nan pensamiento y sentimentonan. Den casonan asina, adultonan mester duna sosten den esaki. Pero mas grandi e mucha bira, mas hopi e mucha por comunica su pensamiento y sentimiento over di un situacion. Na e momento ey, e mucha lo ta un fuente di informacion pa determina e interés di mucha.

Derecho di e mucha pa participa y ser scucha

Muchanan tin e derecho pa duna nan opinion tocante tur cos cu ta concierne nan. Y esaki ta relaciona cu e derecho di e mucha pa ser scucha. E derecho al pa ser scucha ta na e mucha e oportunidad pa expresa su opinion, y esaki tambe wordo yama e derecho pa participa. Tur e paisnan cu a firma e convenio riba derechonan di mucha

ta obliga pa tuma e pasonan necesario pa brinda muchanan e oportunidad pa participa adecuadamente.

Desde ki edad mester scucha un mucha? Derecho riba participacion no ta conoce edad. Tur mucha tin e derecho pa ser scucha y duna su opinion manera cu e tin suficiente capacidad pa distingui situacionnan y cu e ta capas na formula y comunica su opinion. E comision di derechonan

di mucha ta di pensamentu cu tur mucha ta capas pa expresa su opinion. Atraves di e derecho aki un mucha por forma parti di e sociedad mas y mas segun cu eta crece.

Tin un relacion hopi fuerte entre e derecho di e mucha pa ser scucha y e determinacion di e interés di e mucha. Si un mucha no ta haya e oportunidad pa expresa su opinion, esey ta hacie dificil pa determina su interés.

(fuente: kinderrechten.nl)

Seminario "Ora hende grandi ta papia, mucha ta cera nan boca"

Tocante participacion di mucha y e derecho pa ser scucha.

Diahuebs, 20 november 2019 - di 3or pa 7or pm
Universidad di Aruba
Entrada ta gratis

Miranda Gielen LL.M.
Docente di ley Personal y Familiar
Universidad di Aruba